

Hysbysiad Preifatrwydd – Gwasanaethau Hamdden

1. Pam ydym ni'n casglu a chadw eich gwybodaeth bersonol?

Casglwn a defnyddiwn eich gwybodaeth bersonol er mwyn i ni allu gweinyddu eich defnydd o'r Gwasanaeth Hamdden.

Caiff eich data eu prosesu:

- Oherwydd eich bod o wirfodd ac yn bendant wedi cydsynio â'r prosesu hwn neu farchnata
- Oherwydd bod ymrwymiad cyfreithiol arnom i wneud hynny
- Oherwydd bod eich data personol yn ffurfio rhan o gontract rhyngoch chi a Chyngor Sir Penfro

2. Sut gaiff gwybodaeth amdanoch chi ei defnyddio.

Bydd y wybodaeth a ddarparwch yn cael ei phrosesu'n unol â Rheoliadau Diogelu Data Cyffredinol 2018.

Mae'n ddyletswydd arnom i warchod yr arian cyhoeddus a weinyddwn a gallwn ddefnyddio'r wybodaeth a roddwyd gennych ar y ffurflen hon i ddatgelu ac atal twyll, gweld pwy sy'n defnyddio'r gwasanaeth a datblygu rhaglen addas o ganlyniad, ac i weld a yw'r gwasanaeth yn cyflawni ei ddyletswyddau iechyd, cymdeithasol a ffyniant trwy ddarparu ar gyfer pob oed, rhyw ac ethnigrwydd.

Byddwn hefyd yn gwneud unrhyw ddatgeliadau sy'n ofynnol yn ôl y gyfraith a gallwn hefyd rannu'r wybodaeth hon gyda chyrrff eraill sy'n gyfrifol am ddatgelu / atal twyll neu sy'n archwilio / gweinyddu arian cyhoeddus i sicrhau bod arian yn cael ei dargedu a'i wario yn y ffordd fwyaf priodol a chost-effeithiol. Er mwyn cyflawni hyn, fe all gwybodaeth gael ei rhannu gydag adrannau mewnol eraill Cyngor Sir Penfro ac Archwilydd Cyffredinol Cymru.

Ni fyddwn yn gwneud unrhyw ddatgeliadau i eraill at ddibenion marchnata er y byddwn efallai'n defnyddio eraill i gynnal gweithgaredd marchnata ar ein rhan os ydych wedi cydsynio â hyn.

Bydd eich data'n ddiogel a chydgyfrinachol bob amser a byddwn yn casglu'n unig y wybodaeth bersonol sy'n ofynnol i asesu'ch hawl i unrhyw wasanaethau (gall hyn olygu data meddygol ar gyfer y cynllun cenedlaethol atgyfeirio cleifion i wneud ymarfer corff, hawl i gynlluniau gostyngol fel ein pasbort i hamdden, oed ac anabledd ar gyfer prisiau). Os na fyddwch yn rhoi gwybodaeth bersonol, y canlyniad yw y byddwn yn methu prosesu eich ymholiad, asesiad neu gais.

3. Am faint fyddwn ni'n cadw eich gwybodaeth?

Byddwn yn cadw eich data personol yn unol â'n hamserlen gadw, oni bai eich bod yn gwneud cais pendant i'w dileu. Nid yw'r hawl hon i gael dileu eich data'n hawl ddiamod. Er enghraifft, bydd angen i ni gadw eich data os yw'r wybodaeth hon yn ffurfio rhan o rwymedigaeth statudol neu gyfreithiol, cofrestriad cyhoeddus neu gontract presennol. Gwelwch ein Hamserlenni Cadw Corfforaethol i gael rhagor o wybodaeth.

4. Mynediad at fy ngwybodaeth bersonol?

Gallwch ddod i wybod a ydym yn dal unrhyw wybodaeth bersonol trwy wneud cais mynediad yr unigolyn dan Reoliadau Cyffredinol Deddf Diogelu Data 2016. I wneud cais am unrhyw wybodaeth bersonol sydd gennym mae angen i chi wneud eich cais yn ysgrifenedig a'i gyfeirio at:

Tîm Mynediad at Gofnodion

Cyngor Sir Penfro

Neuadd y Sir

Hwlfordd

SA61 1TP

5. Eich Hawliau.

Dan Reoliadau Diogelu Data Cyffredinol 2018, mae gennych hawliau fel unigolyn y gallwch eu harfer mewn cysylltiad â'r wybodaeth a ddaliwn amdanoch, ni fydd pob hawl yn berthnasol a bydd yn dibynnu ar sail gyfreithiol prosesu eich data.

- Hawl i gael **gwybod** – Mae gan unigolion hawl i gael gwybod am gasglu a defnyddio eu data personol. Mae hwn yn ofyniad eglurder allweddol dan y RhDDC.
- Hawl **mynediad** – Mae gennych hawl i ofyn am fynediad at, a chopi o, wybodaeth a ddaliwn amdanoch.
- Hawl i **gywiro** – Mae gennych yr hawl i ofyn i'ch gwybodaeth gael ei chywiro.
- Hawl i **ddileu** – Mid yw hon yn hawl ddiamod a bydd yn dibynnu ar y rheswm dros brosesu eich gwybodaeth bersonol.
- Hawl i **hygluedd data** – Mae hyn yn berthnasol yn unig i brosesu data sy'n cael ei wneud trwy ddulliau awtomatig.
- Fe all hawl i **gyfyngu ar brosesu** fod yn berthnasol – gallwch ofyn i ni roi'r gorau i brosesu eich data personol ond, fodd bynnag, fe all hyn oedi neu ein hatal rhag cyflenwi gwasanaeth i chi. Byddwn yn ceisio cydymffurfio â'ch cais ond efallai y bydd angen i ni ddal neu brosesu gwybodaeth i gydymffurfio â'n dyletswyddau cyfreithiol.
- Hawl i **wrthwynebu** – nid yw hon yn hawl ddiamod a bydd yn dibynnu ar y rheswm dros brosesu eich gwybodaeth bersonol.

6. Cwynion neu Ymholiadau.

Mae Cyngor Sir Penfro'n ymdrechu i gyrraedd y safonau uchaf wrth gasglu a defnyddio gwybodaeth bersonol. Oherwydd hyn, byddwn yn cymryd unrhyw gwynion a dderbyniwn ynghylch hyn o ddifrif. Rydym yn annog pobl i dynnu ein sylw os ydynt yn credu bod ein casglu neu ddefnyddio gwybodaeth yn annheg, yn gamarweiniol neu'n amhriodol.

Nid yw'r hysbysiad preifatrwydd hwn yn rhoi manylion cyflawn o bob agwedd ar gasglu a defnyddio gwybodaeth bersonol gennym. Fodd bynnag, rydym yn barod i roi unrhyw wybodaeth neu esboniad ychwanegol sydd eu hangen. Dylid anfon unrhyw geisiadau am hyn i'r cyfeiriad isod:

Jo Hendy, Swyddog Diogelu Data
Cyngor Sir Penfro
Neuadd y Sir
Hwlfordd
SA61 1TP

E-bost: dataprotection@pembrokeshire.gov.uk

Ffôn: 01437 764551

Os ydych eisiau cwyno ynghylch sut ydym wedi prosesu eich gwybodaeth bersonol, gallwch gysylltu â Swyddfa'r Comisiynydd Gwybodaeth fel y corff statudol sy'n goruchwyllo cyfraith diogelu data:

Swyddfa'r Comisiynydd Gwybodaeth
Wycliffe House
Water Lane
Wilmslow
SK9 5AF

E-bost caseworker@ico.org.uk Rhif Ffôn: 0303 123 1113

7. Newidiadau i'r hysbysiad preifatrwydd hwn.

Byddwn yn adolygu ein rhybudd preifatrwydd yn rheolaidd.